



UNIVERSITÄTS-
BIBLIOTHEK
PADERBORN

Claudii Fleurii Abbatis Historia Ecclesiastica

Ab anno Christi 1514. usque ad annum 1520

Fleury, Claude

August. Vind. [u.a.], 1769

VD18 90118464

§. 47. Initia Zwinglii

[urn:nbn:de:hbz:466:1-66414](https://nbn-resolving.org/urn:nbn:de:hbz:466:1-66414)

Sæcul. XVI.
A.C. 1519.

§. XLVII.

Initia Zwinglii.

*Vide Lib.
CXXV
§. XLIV.
Bossuet Hist
de variat. t.
1. p. 72.
Sander.
hæres 209.
Adam in vita
theol. serm.
Florim.
Kaim. l. 4. de
de orig. hæ-
res c. 8. § lib.
3. c. 3.*

Cum interea Lutherus errores suos in Germania divulgaret, multosque Sectatores sibi conciliaret, Zwinglius quoque aut proprii quæstus studio, aut indignationis furore agitatus adversus Ecclesiam arma procudit. Erat is in PAGO Tigurino Pastor seu Parochus, Vir animi ferocia, ac dicendi vehementia magis quam scientiæ fama insignis; is ergo, cum indulgentiarum abusu pecunias corradi posse cerneret, simulque ipsius divitias, quarum auxilio sibi ad dignitates aditum pararet, immodica cupiditate appeteret, ejusmodi indulgentias promulgandi occasionem studiose captabat, at Pontifex ad hoc munus pro Tigurina Tribu jamjam quemdam ex FF. Minoribus patria Mediolanensem nominabat. Hic quæstus, honorisque aviditate Zwinglio haud inferior, aut ignorantiae vitio, aut avaritiæ studio seductus, ad ravim usque clamabat, plenam noxarum remissionem omnibus illis concedi, qui indulgentias hæc susciperent, stipemque erogarent, certoque hoc medio animas e piaculari carcere liberari affirmabat. Populus falsa hac persuasione delusus, huic Monacho identidem pecunias offerebat,

bat, ex quibus ille haud modicam auri summam colligebat. Sacnl. XVI.
A.C. 1519.

§. XLVIII.

Zwinglius more Lutheri contra indulgentias declamans.

Zwinglius, quod tam ampli lucri spe dejectus esset, gravi indignatione commovebatur, cumque abjectus, ac venalis ejus animus haud ipsi permetteret, ut iram suam moderaretur, maluit in convitia contra indulgentias erumpere, quam tacere, quamvis religioso silentio longe magis suo honori consulisset. Re percepta praefatus Monachus adversus Zwinglium praedicare caepit; unde veritatis cathedra non sine populi offensione altercationibus, ac ejusmodi sermonibus profanabatur, in quibus Praecones gregem instruere haud solliciti nonnisi suos utrinque adversarios convitiis proscindere certabant. Paulo post Zwinglius ab indulgentiis, quas deridebat, continuato errore transit ad impugnandam Papae auctoritatem, ad ipsam Sacramenti Poenitentiae naturam, ad meritum fidei, ac piorum actuum effectus, cunctosque honeste articulos aggrediebatur, non veritatis dilucidandae studio, sed privatas suas opiniones, erroresque venditandi, ac tuendi pruritu. Raynal. ad
ann. 1520.
Pallavic. hist.
Trid. l. I. c. 19.